



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj:
Sarajevo, __. __. 2023. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 07/23), Gradsko vijeće Grada Sarajeva, na __. sjednici održanoj dana __. __. 2023. godine, primilo je k znanju

Informaciju o aktivnostima Grada Sarajeva na zaštiti sarajevskog ćevapa kao autohtonog domaćeg proizvoda

PREDSJEDAVAJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O AKTIVNOSTIMA GRADA SARAJEVA NA ZAŠTITI SARAJEVSKOG ČEVAPA
KAO AUTOHTONOG DOMAĆEG PROIZVODA

Predlagač: Gradonačelnica

Obrađivač: Stručna služba za poslove kabineta i
poslove Gradske uprave
Gradska služba za lokalno poslovanje

Sarajevo, april 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija o aktivnostima Grada Sarajeva na zaštiti sarajevskog ćevapa kao autohtonog domaćeg proizvoda

I UVOD

Sarajevski ćevapi su prema Svjetskom atlasu hrane „The TasteAtlas“ zauzeli visoko 10 mjesto na rang listi svjetskih 100 najprepoznatljivijih nacionalnih jela i svrstani su u top 5 jela s visokim potencijalom za zaštitu.

Kako za zaštitu i brendiranje sarajevskog ćevapa kao autohtonog domaćeg proizvoda postoje svi preduslovi da bi se pokrenuo proces koji vodi registraciji za dobivanje zaštitne oznake geografskog porijekla na nivou BiH i Evropske unije, a u cilju zaštite i promocije najpoznatijeg sarajevskog brenda – ćevapa zaštićenom oznakom porijekla, geografskog porijekla i garantirano tradicionalnog specijaliteta, kao i jačanju gastronomske i turističke ponude, gradska administracija poduzela je niz aktivnosti na realizaciji navedenog.

Prvi konsultativni sastanak na temu zaštite sarajevskog ćevapa, održan je s predstavnicima zainteresiranih ćevabdžinica 02.06.2022. godine u Gradskoj upravi Grada Sarajeva.

Zatim je gradonačelnica Grada Sarajeva upriličila sastanak za ugostitelje - predstavnike ćevabdžinica 01.07.2022. godine u Vijećnici. Tom prilikom gradonačelnica je istaknula da će Grad Sarajevo, putem Službe za lokalno poslovanje i drugih službi u Gradskoj upravi, pružiti potrebnu finansijsku i tehničku podršku u cilju zaštite sarajevskog ćevapa. Zamolila je prisutne ugostitelje da daju svoj doprinos osnivanju Udruženja sarajevskih ćevabdžija koje jedino može aplicirati za zaštitu sarajevskog ćevapa.

Nakon sastanka s gradonačelnicom, u sali Gradskog vijeća Grada Sarajeva održana je prezentacija o zaštiti ćevapa koju je pripremio i prezentirao Emir Đedović, ekspert za sigurnost hrane iz Agencije za sigurnost hrane BiH.

Nakon prezentacije i dodatnih pojašnjenja o procesu zaštite sarajevskog ćevapa, sa prisutnim ugostiteljima – predstavnicima ćevabdžinica dogovoreno je da Grad Sarajevo bude koordinator aktivnosti osnivanja Udruženja sarajevskih ćevabdžija.

II OSNIVANJE I REGISTRACIJA UDRUŽENJA SARAJEVSKIH ĆEVABDŽIJA

Prvi korak ka postupku zaštite i brendiranja sarajevskog ćevapa kao autohtonog domaćeg proizvoda jeste osnivanje udruženja. U tom smislu, nakon održanih konsultativnih sastanaka s predstavnicima ugostitelja – sarajevskih ćevabdžija, dogovoreno je da Grad Sarajevo pruži potrebnu podršku za osnivanje Udruženja sarajevskih ćevabdžija koje jedino može biti formalni podnosilac zahtjeva za zaštitu sarajevskog ćevapa.

S tim u vezi, sa predstavnicima ugostitelja – sarajevskih ćevabdžija, a uz podršku Gradske službe za lokalno poslovanje i Stručne službe za poslove kabineta i poslove Gradske uprave, dana 02.11.2022. godine održana je sjednica osnivačke Skupštine Udruženja sarajevskih ćevabdžija.

Za osnivačku skupštinu Udruženja, Stručna služba za poslove kabineta i poslove Gradske uprave pripremila je Prijedlog Statuta Udruženja i Prijedlog Poslovnika o radu Skupštine Udruženja. Na navedenoj sjednici, Skupština Udruženja izvršila je izbor predsjednika osnivačke Skupštine te izbor

zapisničara i ovjerivače zapisnika, usvojila Statut Udruženja, usvojila Poslovnik o radu Udruženja, te donijela:

- Odluku o osnivanju Udruženja sarajevskih ćevabdžija,
- Odluku o izboru predsjednika i potpredsjednika Udruženja,
- Odluku o izboru predsjednika i zamjenika predsjednika Skupštine Udruženja i
- Odluku o imenovanju osobe ovlaštene za zastupanje i predstavljanje Udruženja.

Za predsjednicu Udruženje jednoglasno je izabrana Amela Ferhatović koja je ujedno u svojstvu predsjednice Udruženja ovlaštena za podnošenje prijave i upis Udruženja u Registar Udruženja kod nadležnog Ministarstva, kao i za vršenje drugih radnji potrebnih za registraciju kod nadležnog Ministarstva.

Nakon održane osnivačke Skupštine, Stručna služba za poslove kabineta i poslove Gradske uprave pružila je podršku Udruženju u postupku registracije Udruženja kod nadležnog Ministarstva te u skladu sa Zakonom o udruženjima i fondacijama („Službene novine Federacije Bosne i Hercegovine“, broj 45/02) i Vodičem za upis u registar Udruženja, pripremila sve potrebne osnivačke akte:

- Odluku o osnivanju Udruženja sarajevskih ćevabdžija,
- Odluku o imenovanju predsjednika Udruženja sarajevskih ćevabdžija,
- Odluku o imenovanju potpredsjednika Udruženja sarajevskih ćevabdžija,
- Odluku o imenovanju predsjednika Skupštine Udruženja sarajevskih ćevabdžija,
- Odluku o imenovanju zamjenika predsjednika Skupštine Udruženja sarajevskih ćevabdžija,
- Odluku o imenovanju lica ovlaštenog za zastupanje i predstavljanje Udruženja sarajevskih ćevabdžija, te su isti, dana 26.12.2022. godine, uz Zahtjev za upis u Registar Udruženja predati na protokol kod nadležnog Ministarstva.

Ministarstvo pravde i uprave Kantona Sarajevo, dana 06.02.2023. godine, donijelo je Rješenje broj: 03-03-04-18884/22 o upisu u Registar udruženja koje se vodi kod Ministarstva pravde i uprave Kantona Sarajevo.

Nakon što je danom upisa u Registar kod Ministarstva, udruženje steklo svojstvo pravnog lica, potrebno je bilo izraditi pečat Udruženja, nakon čega se su stekli uslovi da se podnese Zahtjev Poreznoj upravi Federacije Bosne i Hercegovine – Kantonalni porezni ured Sarajevo za dodjelu ID broja, te Zahtjev Federalnom zavodu za statistiku Sarajevo – Služba za statistiku za područje Kantona Sarajevo za razvrstavanje poslovnog subjekta prema klasifikaciji djelatnosti.

Porezna uprava Federacije Bosne i Hercegovine, dana 09.03.2023. godine, donijela je Uvjerenje o registraciji poreznog obveznika „Udruženje sarajevskih ćevabdžija“.

Federalni zavod za statistiku Sarajevo, dana 14.03.2023. godine, donio je Obavještenje o razvrstavanju poslovnog subjekta prema klasifikaciji djelatnosti.

Kako je završen proces registracije Udruženja sarajevskih ćevabdžija s Registracijom kod nadležnog Ministarstva i ishodom svih gore navedenih Zahtjeva, Stručna služba za poslove kabineta i poslove Gradske uprave, cjelokupnu dokumentaciju Udruženja sarajevskih ćevabdžija, predala je Udruženju, odnosno predsjednici Udruženja na daljnje postupanje, s tim da će Grad Sarajevo i dalje nastaviti pružati odgovarajuću stručnu pomoć.

III AKTIVNOSTI NA POSTUPKU ZAŠTITE SARAJEVSKOG ČEVAPA KAO AUTOHTONOG DOMAĆEG PROIZVODA

Nakon što je okončan postupak registracije Udruženja, nastavljene su aktivnosti u cilju zaštite sarajevskog čevapa.

Služba za lokalno poslovanje nastavila je komunikaciju i saradnju s Emirom Đedovićem koji je bio angažiran od strane Grada Sarajeva za konsultantsko-specijalističke usluge u postupku registracije Udruženja, kao i postupku pripremanja potrebnih specifikacija i upućivanja zahtjeva prema Agenciji za sigurnost hrane BiH.

Tako je Služba za lokalno poslovanje, dana 09.03.2023. godine, organizovala sastanak na kojem je, između ostalog, dogovoreno će, u svrhu pripreme zahtjeva za zaštitu sarajevskog čevapa, kontaktirati Arhiv Grada Sarajeva radi informacije o dostupnosti arhivske građe u kojoj su historijski podaci koji se odnose na sarajevske čevape i ugostitelje. Također, dogovoreno je da Emir Đedović Službi za lokalno poslovanje dostavi nazive regija iz R Italije koje su iskoristile sve prednosti zaštite svojih prehrambenih proizvoda kako bi se po mogućnosti organizovalo studijsko putovanje za predstavnike Udruženja. Također, razmotrit će se mogućnosti osiguranja sredstava za ovo putovanje iz raspoloživih EU fondova.

Zatim je 16.03.2023. godine održan sastanak predstavnika Udruženja sarajevskih čevabdžija na temu podnošenja zahtjeva za zaštitu sarajevskog čevapa oznakom garantovano tradicionalnog specijaliteta. Sastanku su prisustvovali Emir Đedović, predstavnik Agencije za sigurnost hrane BiH, Amela Ferhatović, predsjednica Udruženja sarajevskih čevabdžija, Salem Ogrješević, zamjenik predsjednice Udruženja sarajevskih čevabdžija, Amar Ferhatović, predsjednik Skupštine Udruženja sarajevskih čevabdžija, Amel Ćapin, zamjenik predsjednika Skupštine Udruženja sarajevskih čevabdžija, te predstavnici Službe za lokalno poslovanje i Stručne službe za poslove kabineta i poslove Gradske uprave.

Na sastanku je dogovoreno da predstavnici Udruženja g. Đedoviću dostave historijat većine ugostiteljskih tradicija sarajevskih čevabdžija, te da se uradi oznaka zaštićenog proizvoda sarajevskog čevapa. Prijedlog je da se za ovu potrebu angažira profesionalni dizajner.

Također, dogovoreno je da g. Đedović pripremi odgovarajući upitnik za proizvođače čevapa. Služba za lokalno poslovanje je 27.03.2023. godine, nakon što je zaprimila navedeni upitnik, isti prosljedila članovima Udruženja s molbom da se popunjeni upitnik dostavi do 10.04.2023. godine.

Nakon popunjavanja upitnika, g. Đedović će u saradnji s Udruženjem sarajevskih čevabdžija organizovati izradu Zahtjeva za registraciju sarajevskog čevapa zaštićenom oznakom geografskog porijekla.

Postupak registracije oznaka porijekla, oznaka geografskog porijekla i oznaka garantovano tradicionalnog specijaliteta, pokreće se zahtjevom koji se podnosi Agenciji za sigurnost hrane Bosne i Hercegovine.

Zaštita oznake geografskog porijekla doprinosi većoj tržišnoj vrijednosti proizvoda koja odgovara njegovim posebnim svojstvima i time stečenom ugledu. Zaštitom se sprječava zloupotreba ili neovlaštena upotreba geografske oznake od drugih lica.

O svim aktivnostima koje će se preduzimati u narednom period, a u cilju zaštite sarajevskog čevapa, Gradsko vijeće Grada Sarajeva bit će blagovremeno informisano.